



უშაბის მათრახი



იუმორისტული ჟურნალი

23 თებერვალი, 1908 წ. № 19



ი. შალიაშვილი — შიშო. გვ. 1-66.

თფილისის ქალაქის „მაკები“ საშოვარსე.

მკითხველთა და ხელის მომხმარებელთა მიმართ.

ყველას მოგვხსენებთ როგორ აღალ-ბედზე და მოკიდებული ჟურნალ ვაზეთების საქმე დღევანდელ პირობებში! ყოველი მხრიდან იერიშით მოდიან და ადამიანს ათასი თვალი უნდა ჰქონდეს ყოველ-გვარ მოსალოდნელ ხიფათს თავი დაახწიოს. ჩვენს ვაზეთ-საც ეწვია, სრულიად მოულოდნელათ, 10 თუმნის ჯარიმა, მაგრამ ვინაიდან ესოდენი თანხა არ სჩვევია ჩვენს კასას, კეთილ-ინება „მათრახის“ რედაქტორმა ორის კვირით საგუბერნია „ტუსაღლ-საყუ-დელში“ გადაბარგვა. 17 თებერვალს გათავდა ვადა ტუსაღლობისა და დღეს ჩვენი ვაზეთი კვალად გამო-დის ნათელზე.

რედაქცია ბოდიშს იხდის მკითხველთა და ხე-ლის მომწერთა წინაშე ვისიც ჯერ არს იმათ მაგიერ და ეცდება ხელის მომწერლებს შეუსრულოს დანაკ-ლისი ნომრები.

ეშმაკის მათრახის რედაქცია.

ამონაკვანისი.

ქარო, დაჰბერე, ძლიერო,
ვაჰფანტე ღრუბელთ გროვანი!
ცავ, გაღიწმინდე, ბუნებავ,
შესწყვიტე კენესა - გლოვანი!
ზღვავე, აბობოქრდი, აზვირთდი
და ააყენე ქაფები!
გულო, ატოკდი, აძგერდი!
ჩანგო, მომართე ძაფები!
ოცნებავე, ფრთები შეისხი,
გაიგდე სწრაფი მერანი!
და, მაჯავ, გულის ცემასთან
შეაწყვე შენი ძგერანი!
აღარ მინდიხარ, ზამთარო,
სუსხიან ტალახიანო!
მო, გაზაფხულო, ნორჩყვილი
და მწვანე ბალახიანო!
თან მოიტანე სიცოცხლე,
თბილი და ტკბილი დარები!
ზამთრის სუსხისგან მწარნასში
აი, რას გემუდარები!
არ მინდა არა, ზამთარი,
სუსხიან-ტალახიანი.
მსურს ვაზაფხული ნორჩყვილი
და მწვანე ბალახიანი.
დაჰბერე, ქარო, დაჰბერე,
ვაჰფანტე ღრუბელთ გროვანი!
ცავ, გაღიწმინდე! ბუნებავე,
ლხინზე შესცვალე გლოვანი!..

ბ. ზომლეთელი.

მოსხენება

კელიაზოლის რევიზიის
(გაგაქვლება)

მოწყალეო ხელმწიფევე, ბ-ნო ეშმაკო! თქვენ გა-მგზავნეთ კელიაზოლში სარევიზიოთ მხოლოდ დრო-ებში. მაგრამ აქ იმ რიგათ არის საქმეები აწეწილ დაწეწილი, რომ ჩემი ერთი წლით დარჩენაც არ კმარა. ის კი არა, იმ ზომამდე არიან შევიწროებუ-ლნი ჩემ კანცელარიაში მომუშავე ეშმაკები, რომ სა-დაც არის ზაბასტოვკას გამომიცხადებენ. მუშაობენ ყოველ დღე და ღამ, აქჟურ ვაჭრების გასართობებში მომუშავეებზე მეტს—სულ ოც-ოც საათს. ამიტომ უმორჩილესათ გთხოვთ დამტოვოთ აქ რამოდენიმე თვით ხან და ხან დრო გამოშვებით, თქვენც რომ გამოგვიტოვებდეთ, არ იხამთ ცუდს, აი ჩემი გა-მოკვლევანიც:

სასწავლებლების გადატანა.

აქაურ ადმინისტრაციას გადაუწყვეტია რეალურ სასწავლებლის, კლასიკურ და სათავად-აზნაურო გიმნაზიების ვიატკაში გადატანა, ჯერ-ჯერობით მოწაფეებს იკერენ და ასახლებენ, შემდეგ მასწავ-ლებლებს უპირებენ გადასახლებას, მსურველს შეუ-ძლია თავის ნებით წავიდეს.

მასწავლებლის დაკარგვა.

დაიკარგა სათავად აზნაურო გიმნაზიის მასწავ-ლებელი სერგო რობაქიძე. მთელი კელიაზოლი შე-მოიბრინეს ჩემმა ეშმაკებმა და ვერ იპოვეს. თუ ვინ-მემ სადმე წააწყდეთ შეატყობინეთ მის ობლათ დარ-ჩენილ მოწაფეებს. პოლიციაში არ იკითხოთ, თო-რემ თქვენც დაიკარგებით.

ჯამაგირების მოკლება.

აქაურ პოლიციის დაწესებულებებში მწერლებს ჯამაგირი მოუკლეს. ეს ზომა გამოწვეულია მით, რომ პოლიციის ძლიერ მომატებია ხარჯი კედისა აქ ყოფნით. და მართლაც მარტო მის მხლებელ ექვსი სტრაჟნიკის—მგელივით ვაჟკაცების—შენახვა რათ ღირს!

სტრაჟნიკი—ცენზორი

მაღლაკში სტრაჟნიკ სიმონას აუკრძალავს „ეშ-მაკის მათრახის“ და „აზრას“ კითხვა, რადგან მისი შეხედულებით ეს ვაზეთები მანენ მიმართულებისაა. სხვა სოფლების სტრაჟნიკებს სიმონას აზრი დაუდა-სტურებიათ, უფროსი კი სიმონას მენდალზე წადგე-ნას უპირებს.

ქუთათურ გამოცემლების საყურადღებოთ.

თუ ვინმეს სურს გამოცეს ქუთაისში ძართულ ენაზე ვაზეთი, უნდა იცოდეს წინდაწინ. რომ მას დასკირდება დაქირავება ერთი მკითხველის სპეცია-ლურათ ცენზორთან საფელათ, რადგან აქაურ ბ. გამრეკლიძეს ქართული კითხვა დავიწყნია.

გადასახადის შეკრება.

ქალაქის გამგეობა ფანცხავასი და კოტე ბაქძის სპეციალური გამოკვლევების გამოკვეყნების მდგომარეობაში დასკვნამდე მისულა, რომ ეკონომიური გომარეობა კელიოპოლის მცხოვრებთა, ამ რევოლუციის ხანებში, შესამჩნევად გაუმჯობესებულა. ის და მიხედვით მას გადაუწყვეტია დღევანდელს ახალი და ძველი ადამ და ევის დროის გადახადების შეკრებას, ამ გადაწყვეტილების სისრულეში მოსაყვანათ ქალაქის თავის მოადგილეს ადმინისტრაციისა ორი სოტნა პლასტუნი მოუთხოვია. ხოვრებლები მთებში გახიზვნას აპირებენ.

ყოველ წლივ აქ იმართება საღამო სათავად-ანაუო გიმნაზიის მოწაფეთა სასარგებლოთ. შარშან-აკ და წელსაც კი ძალი ფული შეგროვდა. აგერი კვირა ვკითხულობა და ჯერ კიდევ ვერას გზით ვერ გავიგეთ ან სად ინახება ეს ფულები ან რაზე ხარჯება.

ქუთაისის პედაგოგები.

ამას წინათ ქალაქის დაბალი სკოლების მასწავლებლების თაოსნობით გაიმართა საღამო მომართული პედაგოგიური მუზეუმის სასარგებლოთ. ხალხი ბლომით დაესწრო. მხოლოდ საშუალო სასწავლებლის მასწავლებლებს დიოგენის ფარნებითაც ვერ მონახავდით. როგორც ვაგს, მათ არავითარი პედაგოგიური საქმე არ აინტერესებს.

ახალი წიგნი.

ამ დღებში გამოვა იოსებ ოცხელის ახალი წიგნი, ქართულ ენაზე, ღენერალ სილოვანის წინასიტყვაობით. წიგნის საგანი - გამოკვლევა რუსეთის რევოლუციის ძირითადი მიზეზების, დიდი ფიქრისა და ესფერების ნაწარმოების შესწავლის შემდეგ, პატივცემული ავტორი იმ დასკვნამდე მისულა, რომ რევოლუციის ერთად ერთი მიზეზი რამოდენიმე კაცის (ქართველი ს. დ. რასაკვირველია) პირადი ინტერესებია, ფარისტები ამ წიგნს თავის ხარჯზე ცემენ. ამ წიგნის შინაარსი ჩვენ პესტალოცს უკვე გაუცნია მოწაფეებისა გეომეტრიის ერთ ერთ გაკვეთილზე.

ჭიდაობა.

ქუთათელთა აზრი დღეს ქიდაობითა და კერძოთ მოქიდავე მისურაძითაა შეპყრობილი. სადაც უნდა წახვიდე ან ვისაც უნდა დელაპარაკო ყველა ქიდაობაზე ლაპარაკობს. ესფერები აგერ გაგიყლებთან, რადგან ქართველ მოქიდავის დამძლე ვერავენ გამოჩნდა. აღფრთოვანებაში მოუყვანია ფარელები მისურაძეს, როდესაც განუცხადებია რომ მე ქართველი ვარ და ქართველს არ ვექიდავებო. როგორც ვაგს ქიდაობას დიდი გავლენა მოუხთ-

ნია აქაურ გიმნაზიელებზედაც: ყოველ დღე ყოველ კლასში იმართება ქიდაობა. მოქიდავენი ტომრებით იმოსებიან, პრემიით შაურაინი ბულკია დანიშნული.

შანტაჟისტა პროტესტი.

ამას წინათ გავითი „Жизнь и Школа“-ში მოთავსებული იყო წერილი ქუთაისიდან, სადაც ავტორი, არ ვიცი რა მოსახრებით, ქებათა ქებას ასხამდა სათავად-ანაუო გიმნაზიის. კორესპონდენციის სხვათა შორის ნათქვამი იყო, რომ, მაშინ როდესაც სხვა სასწავლებლებში შანტაჟი და სხვა გარყვნილობა გავრცელებულია, სათავად-ანაუო გიმნაზიის მოწაფეები ანგელოზებიაო. ეხლა როგორც დანამდვილებით გავიგეთ, სათავად-ანაუო გიმნაზიის მოწაფე-შანტაჟისტები შეკრებილან და ერთხმით დაუდგენიათ: უსასტიკესი საყვედური გამოეცხადოს ავტორს ჩვენი უყურადღებოთ დატოვებისაო.

მეეტლების მამითადი.

ქუთათელი მეეტლები ძლიერ ემდურებიან ექიმ გოკიელოვს. პატივცემულ ექიმს ჩვეულებათ ქონია თურმე, თუ ვინცოხა პაციენტი ღარიბი გამოდგა და მისი გადაწყვეტილი ტაქსა ვერ მისცა, შუამავლათ მეეტლები აგზავნოს. თითონ ცხენებს ყარაულობს, მეეტლე კი ვალდებულია მანამ არ მოცილდეს პაციენტს, სანამ ფულს არ მიიღებს. ექიმი გოკიელოვი ჩვენ უპრადაზე გულ-კეთილი კაცი მანც ყოფილა: ეს მეეტლის საშუალებით დებულობს ფულს უპრავისტები კი კახაკების საშუალებით აპირებენ გადასახადების შეკრებას.

რევიზორი — ეშმაკი.

სიზმრის ახსნა.

1) აკაკი იხილო „ჩონგურითა კედელთა შორის მიკრულითა“ ფრიად სამარცხენოა. ჟამსა რომელსა, შემდგომ ხილვად სიზმრისა ამისა წინაშე საზოგადოებისა მის წარადგინო „თამასუქი იგი ძველი“ ხალხისა თქმულებისა მიხედვით ნიშანი აზრთა ახალთაგან კოტორყოფისა.

სხვათა ღროთა შინა „სიზმარი“ ესე ნიშნავს ჟამთა იმგვართა დამყარებასა, ოდესცა, ჩანგი მგონისა დიდებულისა „აქლერდეს“ ხმითა, თვინიერ ციურისა. სიმდაბლითა ყოველთა გამომხატველითა.

2) კბილი იხილო თეთრი ბროლოვანი — სახიფათოა: გამოცდილებათა მრავალთა მიხედვითა ღაღად ვყოთ ყოველთა მიმართ: ხილვა კბილისა ბროლოვანისა მომასწავებელ არს გულისა შავისა, ბოროტებითა აღსავსისა.

3) კაჭკაჭი იხილო უკუდო სიტყვისა ერთისა მულამ ჟამს მოუბარი. — საცინელია: სიზმარი ესე

არა არს არცა ვითარი ხიფათისა მომვლინებელი,
 რამეთუ მოასწავებს უბადრუკსა ვინმეს ოხუნჯსა
 ერგნელად სახელ-დებულსა,
 გოთუას თანა გდებულსაა
 აზრთავან გადაღებულსა,
 მარადის პირდაღებულსა,
 „მოღვაწეთ“ გასაღებულსა,
 გაზეთში თაე-აშვებულსა,
 ნამდვილ კი წყალ-წაღებულსა.



მესტვირუჯი.

კუჭი „ფარელთა“.

ბოდის მოვითხოვ მკითხველთა,
 ესტოვებ რა პიროვნებათა,
 და სტვირსა ავადიღინებ
 „ფარელთა“ კუჭის ქებათა
 გარქმევთ რაოდენს გადანთქავს
 წლიურად ქანქარებათა,
 უმაღლესიდან დავიწყებ
 ძირს, დაბლა დასაშვებათა.
 „ბურჯებსა“ ჩვენი ქვეყნისა
 ზნეობა დასდევთ საძრახი,
 პოლემიკაში მუდამ უამს
 კუჭი აქვთ წამოსაძახი.

ჩასციებიან ამ სიტყვას
 ვით მოკამკამე ჩათლახი,
 და ამან გამაბედვინა
 გადაცკრა თითო მათრახი.
 იფიქრებს ვინმე: „არა აქვს
 კუჭი ამ ჯიშის ცხოველსა,
 და კმარობს მარტო „მაღალი
 სიტყვების მოსაძოველსა“.
 მე კი შემცდარსა ვუწოდებ
 განურჩევლად ყოველსა,
 თანა არს ზემოთქმულისა
 აზრი მას ჰქონდეს რომელსა.
 „ფაროსანიძეთ“ კუჭებსა
 არცა ყავთ ჩვენში ბადალი,
 მო, ყური მიგდეთ, მოვითხრობთ
 რასა ნთქავს მათი სარდალი,
 რამდენი ლუკმა მრუდია,
 რამდენი ალაღ-მართალი,
 ვინ არის მათი „ობექტი“
 თუ „დუმა“ ჩამოსათალი.

შავ-ქვათა მეფე გიორგის
 კუჭი ვერ იტყვის მცირობას,
 (ჩვენში არცა ყავს ბადალი
 მოგცემთ ამისა პირობას!).
 ნთქავს ხუთი ათას ქანქარსა
 არცა გრძნობს გასაქირობას
 ზოგჯერ რვაასსაც დაატანს
 (ეს მხოლოდ ქვათა ძვირობას!)
 სილოვან „ორჩოფეხოვანს“
 კუჭი აქვს მეტათ მაგარი,
 თამამათ ჩადის სკოლიდან
 შავი დღით ამონაგარი
 სამი ათასი, ოთხასი,
 და კიდევ ოცი ქანქარი
 (გთხოვთ ესე ჩემი თქმულება
 არვის ვეგონოთ ზღაპარი!)

აღბათ ვსშენით ფანცხავა,
 ესეც „ფარელთა“ ჯიშისა,
 ორ ათას ორას ქანქარსა
 ყლაპავს მექონე ნიჭისა
 და ითმენს კუჭი იმისი
 ფიქრი არა აქვს შიშისა,
 (ქალაქის კასის მახლობლათ
 ტყვილათ არ დაინიშენისა).
 „ჩვენი“ იასონ ბაქრაძე
 და ყიფიანი „ფარელი“
 ორ ორსა ათასს ჩანთქავენ
 ორივე კუჭ გასახარელი.
 კრინიკვი ათას ხუთასსა,
 კაცია დაუზარელი
 პოლონელების ჯიშისა
 ქართველათ შესაყვარელი.

№ 19

ე ბაქრადე, მერწმუნეთ,
არის გამონარჩენი,
ას ხუთასი ქანქარი
აც აქვს „გამოსარჩენი“.
ალიანი დათიკო
„ბრესაში“ გამონარჩენი
ათას ორასსა იტვირთავს
არ გამიწყობის გამჩენი.

ესე რვა ქვეყნის მნათობი
„ყველა უკუჭოთ შობილა“
სულ ჩანაბერი უფლისა
თიხისგან გამოცხოვილა,
„კუქის საკითხი“ ამთავან
მრავალჯერ გადაგობილა,
მაგრამ მათ კუჭში ესოდენ
ქანქარი გადაშობილა.

ეშმაკი.

ძ უ ჩ ა ზ ე.

ქუჩის აღზრდილმა, ქუჩაზედვე დალია სული:
აქ იყო მისი ასპარეზი, მუღმივი ბინა,
იქვე დაეცა მტარვალთ ხელით გულ-განგმიორული,
უმანკო სისხლით მორწყო იგი და მიიძინა!
ცოტა იცოცხლა, ბევრი ქირი გამოიარა,
მაგრამ მას ქედი არავის წინ არ მოუხრია,
თუმცა ღრმა იყო მისი გულის წყლოლი, იარა,
მუღამ მხნეთ იყო, ცხარე ცრემლი არ დაუღვრია!
რა გადიკთხა მან რვეული ჩვენი ცხოვრების,
გაიცნო მისი შინაარსი, მიმართულემა,
მყისვე ამართა ღრმში მხსნელი დაჩაგრულების,
ზედ დააწერა: „ძირს მტარვალი! ძირს ბოროტება!“
მას აქეთია აქ, ქუჩაზე, იბრძოდა იგი,
აქ იყო მისი ასპარეზი, მუღმივი ბინა,
აქვე დაეცა განგმიორული, როგორც ტარიგი,
უმანკო სისხლით მორწყო იგი და მიიძინა!

ვ. ჩახრუხაძე.

ნიკოპოლი.

(ძველათ სოხუმი)

მომწყინდა ნათესადგურში დგომა და შეც, გაღუ-
სწყვიტე ქალაქში გასეირნება. ხელათ გაჩნდი ნიკოპო-
ლის უმთავრეს ქუჩაზე. შაბათი სღამო იყო. განავტანი
მქონდა იქ მრავლათ იურის ხალხი თავსო და შეც, შე-
ვალე ერთი უავანანის კარები. მივიარ-მოვიარე, მაგრამ
დასაჯდომი ვერ ვიშოვე. ვიფიქრე ჩანის შოფითხფე, იქ-
ნებ სკამი მომცენ შეთქი, მარა საუბედურათ კარშიც კა-
ნდამ გამავლეს (რადგან კარტი არ მოფითხფე!)... ჩქა-
რა დამნებეს თავი, (აღბათ „სპერმკუდინის“ სუნი თუ
გეტათ). ამ ღრთს ერთმა სოქარმა დაიბერტყა კალთა,

გადმობრუნა ჯაბე, სსშინლათ დაშწყსრებულა მიბნელა-
ლი თვალებით კარში გამოვიდა. შეც ვიშოვე ღრთ და
დავსკუზდი სკამზე. გახურებული თამაში იყო. სეკლებს
უწყალთ აბრტყუნებდენ სტოლებზე. კარტი, სარდი,
ლოტო, დომინო, შეუსვენებლივ ტრიალებდა. შე ავლე-
ქი, გამოველ ქუჩაში და ნელათ ჩავადადინე:

უავანანში შევედი
იქ ხალხი მიმართულიყო,
შუნ ისხდენ მრავლათ ნოქრებიც,
თამაში გამართულიყო!
ზოგი სარდს უხსდა, ზოგი კარტს,
ლოტო, დომინოც მუნ იყო,
შეწყინა ძლიერ... მათრახი
თუ არ სჭირდელთ კრულ ვიყო!..

უავანანები აქ ბეგრის ბეგრი გახლავთ, მაგრამ შე
საჭირთ არ ვსცნაი სხვაგან შევლა, ვინაიდან იქაც იგი-
ვე სურათი შემსგდებოდა...

* *

აქედან სასტუმრო „ზურდგინოში“ შევიარე. მუნ
რამდენიმე ფედერალისტი შეკრებილიყო, („საუკეთე-
სო“ არ გეკანთო, მათი „ზამოშნიკი“) სტოლს მის-
ხდომდენ და ვანჭათ ტრიალი სწარმოებდა. „საქართვე-
ლოს გაუმარჯოს“ ძახლი არეპარეს აურუებდა. მაგრამ
არც „ესდკები“ დავეუწყებინათ და მათაც უდგენიდენ
„ლეკინასებურ“... „ზაფლეტებს“... ხაზეინი ნესტო-
რიც „ბეზუსლოვანო“ მათ ეთანხმებოდა. ძლიერ მომე-
წონა ასეთი ამბავი, მინდოდა დაგრჩენილიყავ, მაგრამ
ღრთ ნებეს არ მაძლედა. შეც გადავწყვიტე კშმაკის
„სამათრახთათ სიაში“ მომექცია მათი ვანწყოსნობა და
ივითონ ქალაქის „სავათმუფოფსკენ“ შევევი.

* *

სღამოს უვეე რვა საათი იყო. ასე, რომ „სავათ-
მუფოფოში“ „ოფიციალურათ“ აღარც კი მიმიღებდენ.
შეც ისულეებული ვიყავი უხილავათ ვქტეულიყავ, თუმცა
კი მინდოდა შემექტეო, „უბრადო ზოსეტიტელებს“ რთ-
გორ ეპურებინა.

მივიღე თუ არა უხილავის სასე, ხელათ ჩავეშვი
სავათმუფოფს ეხოში. მივიარ-მოვიარე. სარდაფიდან
სამხიელი გვენეს მომესმა. თურმე მომაკვდავები განესეუ-
ნებიათ და სბრალტეობა სსზარლათ გმინავდენ. ვედარ
გავძელი და სავათმუფოფოში შევედი. ერთ ოთახში მი-
სამსახურე ქალებს ვავთმუფოფათ ლტოხიბზე კარტი გაე-
ძალათ და ერთობოდენ. სბრალტო ვავთმუფოფები კი შწა-
რე ხმით მისიქამდენ: ზოგი წყალს თხოულობდა, ზო-
გი წამალს, ზოგს გულა უწყუნდა, მაგრამ... „არსიდან
სხნა, არსათ შევლა“!...

გავედი მეორე ოთახში. აქც იგივე. მოუყარათ
თავი ათამდე მოსამსახურეთ და „არჯიშობა“ გავმართათ.
ერთ ემაწვილს წყავანიწყობა და რთგორც დაგემილი სს-
რი ხნ ერთს ანარტებდა იატაკზე და ხან მეორეს. გუ-

ღლით ვინატრე ერთი მათრახის კუდი ამ ახარებულ
უმაწვილებსათვის, მაგრამ სდ იყო!!.

აქედან შესამე თანში შექვერი. იქ სულ აღარ იყო
მოსამსხურე. შექვერიდი, შეუდროებდა არავინ არდკვედა.
ფიფიქრე აღბათ არავინ არის შეთქი და ის იყო ვაზი-
რებდი გამოსვლას, მაგრამ ამ დროს კუთხეში, ერთ
ჭუჭუიან ღოგინზე თვალი მოგვარ ორ, სანთელივით ჩა-
მოშინდარ არსებას. მიუვდი ხელს. რადგან ღანარაკობ-
დენ. გავნახე სული და უფრო დაუგდე.

— რამდენი დღეა რაც ექიმი არ ეოფილა? იკითხა
ერთმა ნელი მისურტებულის ხმით.

— შგანი შეოთხეს! მიუგო შეზობელმა. შერე რა?
რომ დადიოდა რას გიკეთებდა? შე შევე თუქნახევი ვარ
აქ და მახსოვს, ერთხელ მომიკადა მაჯაზე ხელი და რა
ბტკივარ, შკითხა.

— რამე სსჭმელი მოგიტანეს დღეს? იკითხა ხირ-
ველმა.

— არ მახსოვს!.. რადგან მომიტანეს შგანი, მაგ-
რამ ვერ ვჭამე... არ ვარგოდა!

დამწუხრებული გამოვიდი „საავთმეოფოდან“. მხო-
ლოთ მით ვიმაგრებდი გულს, რომ არც ისე შორსაა ის
დღე, როცა „საავთმეოფოს“ ბატონ-მატრონთა ზურგ-
ზედაც განავარდებს „მათრახი ეშმაკისა“.

კონტრ-კრიტიკი.

ბ ა თ უ მ შ ი

ქანქარის მაძიებელი.

ბათუმის თვითმართველობის
„კასა“ რომ ცარიელია,
და თავი მისში ხრავუნით
ვერ არის მდლიერია;
ქალაქის თავი ქანქარის
მუდამ რომ მაძებნელია,
ესე ამბავი ცნობილი
არ ახალია, ძველია...
შემოკრბენ საათობიროთა
ქალაქის ბრძენი მამები,
ფულები შოვნა სწადიან,
საქმე აქვთ საკოპმანები.
იფიქრეს... ბევრი იფიქრეს,
აქნიეს ბრძენი თავები,
ოფლი დაღვარეს უზომო,
შეიქნენ განწიამები.
და მოიაზრეს: გატანილ
თუ თითო ფუთსა ნავთზედა
ნახევარს კაბიკს მისცემენ,
არ გადგებიან ვარზედა,
მაშინ ბათუმის ბედ-ილბალს
ძალით არ დაჰყეფს მურია,

ყველა გაძლება; არავინ
დარჩება უმადურია.

რა ფულის წყაროს მიავნეს,
ილხინეს, გაიხარესა,
მეტის-მეტ ნეტარებითა
ცხარე ცრემლები დვარესა.
ქალაქის თავი ფიცხელით
პეტერბურგს გაამგზავრესა ..
თითონ მინისტრთან ის საქმეს
გაიარხავს, მოავგარებსა.

პიტერს ეწვია ივანე,
თავი ქანქარის მდომელი,
მინისტრს წარუდგა ნახევარ
კაპეიკისა მთხოვნელი.
მას მიუთითეს ბაქოზე,
უთხრეს: იქ მიიქეციოთ,
კაპიტალისტის სურვილებს
ჩვენ წინ ვერ აღუდგებიოთ.

მოჰქრის ივანე ბაქოსკენ,
იმედი გულს არ უქრება,
ნავთისა მწარმოებლების
„სიეზზე“ მიეშურება..
და წინ წარუდგა ნავთის ტუზთ
მდაბლათ თაყვანის ცემითა,
და მოახსენა: „ბატონო,
ფულისთვის გვახელითა.
შემოსავალი ქალაქის
ჯამაგირზედაც არ გვეოფნის,
აი რა რიგათ დავეციოთ,
აი, მომსწრე ვართ რა ყოფის!..
ბევრს არ ვთხოვლობ, ნახევარ
კაპეიკის ვარ მთხოვნელი,
ვარს თუ არ გვეტყვიოთ, მუდამ ეამს
ვიქნებით თქვენი მლოცველი.
გვიქენით საქმე სამადლო,
ისმინეთ ჩვენი ვედრება,
თქვენთვის ეს არაფერია,
ჩვენ კი სულ ბოლო გვეღება.
მოხედეთ ჩვენსა თხოვნასა,
მოგვმადლეთ სიხარულია,
რასაცა გასცემთ, თქვენია,
რაც არა დაკარგულია“.

თქვა და ჩამოღვა ივანე.
ზეზე წამოღვენ ტუზები
და მოახსენეს: „კნიაზ-ჯან,
სწორედ ხარ საპანღურები.
ეს სადაური ქკუაა
ჩვენ თავს ვადგედეთ ხარკებსა!..
ჩვენ ამნაირის ქკუითა

არ ვაწარმოებთ დავითრებსა“.
 თქვეს ეს ტუზებმა და თავსა
 ქანქარის მადიებელსა
 ხარხარით, ბრანწის ჩვენებით
 ქოქოლა მიაცარესა...
 მოპქრის ივანე ქვემოთკენ,
 დამწუხრებულის გულოთა
 და მოგვევილინა უფულოთ
 თავის მალულის ქუდითა.

კენტი.

ცხელ-ცხელი ამბები
 (რუსეთის ცხოვრებიდან).

მართლაც ცხელ-ცხელი ვერ არის ჩვენი ამბები, კაი ხნის დამყავებულა, მარა ეს სრულიადაც ჩვენი ბრალი არ არის. ჩვენმა რედაქტორმა გააჭივრა საქმე — „ოტზუსკი“ და „ოტზუსკია“ და მიიღო კიდეც. ჩვენმა რედაქტორმა ორი კვირით დაისვენა. რასაკვირველია, რედაქტორთან ერთად უურნაღმაც დაისვენა (ურედაქტორთა უურნაღი აბა ვის გაუკონია?!). ამ ხნის განმავლობაში, რასაკვირველია, ბევრი შესანიშნავი ამბები მოხდა. (მაშ რედაქტორის გამოსვლას ხომ ვერ დაუცდიდნენ ამბები?) მოხდა და დამყავდა კიდეც, მარა ჩვენ რომ ეს ცხელ-ცხელ ამბებთ გავახდოთ მგონია არაფერ ვვიწყენს. ვისაც უნდა ცხლათ მიიღოს და ვისაც უნდა დამყავებულათ. ეს შთი ნება-სურვილზეა დამოკიდებული.

რადგან სახელმწიფო ღუმა ოდესღაც შთელი რუსეთის ხაზის ურანდებლას იპერობდა მეც დუმიდან დავიწყებ ამბებს: იმ დროს, როცა ჩვენი რედაქტორი „ოტზუსკი“ იყო და განცხრობით განისვენებდა სახელმწიფო ღუმაში სპი ღირსშესანიშნავი ამბავი მოხდა:

ღებ. შმიდის დუმიდან გაძევება. როგორც იქნა ბოლოს სახელმწიფო ღუმამ გამოიჩინა მოქალაქობრივი სიამაცე და მინსკის დეპუტატი შმიდი დუმიდან გაძევა. შმიდი დეკს დუმის დეპუტატთა ღაღრთიფლებს. ასეთი სასტიკი განაჩენი შმიდს სულ უბრალო დანაშაულობისთვის გადაუწყვიტეს. მას არაღლებდენ სახელმწიფო დაღატს (ასეთი დანაშაულობა აბა რა სათქმელია?!) რადღც სამხედრო გეგმის ქაღალდები გადაღვია უცხო სახელმწიფოსთვის და ამ უბრალო საქმისთვის დუმიდან გაძევეს. იმედს მაინც არ კარგავს თურმე შმიდი და აზრათ აქვს ხელმწიფეს მისტეს თხოვნა, რომ ეპატობს დანაშაული.

რეგოლიუციის მიერ დაზარალებულთა დაზმარება. დიდი ხნის დუმის შემარჯვენი დეპუტატები ეღადენ მარჯვე დროს, რომ დუმაში წამოეყენებიათ საკითხი რეგოლიუციის მიერ დაზარალებულთათვის სახელმწიფო ხაზინიდან ფულის გადაღების შესახებ. ეს მარჯვე დროც დაუღათ და საკითხიც წამოაყენეს. ამ კრე-

ბაზე, რასაკვირველია, შემარჯვენიკემა ბევრი ტუგა-წამალი დახარჯეს რეგოლიუციის წინაღმდეგ, ბევრი იღანდეს და ბოლოს მიახწიეს სურვილს. დუმის უმრავლესობამ ზიზღი და აღშოთება გამოაცხადა ტურორის-ტულ აქტების წინაღმდეგ და კანონზოვეტი ზირთენების ხელშეუხებლობის შესახებ კომისიას გადასცა.

კანონზოვეტი მემარცხენე დეპუტატების შესახებ. ამ გამარჯვებით წათამაშებულმა შემარჯვენიკემ კანონზოვეტი წამოაყენეს დუმაში შემდეგი კანონზოვეტი: დუმის შემარცხენე დეპუტატი, რომელიც მთავრობის საწინააღმდეგო სიტუკას წარმოთქვამს კრების დროს სასტიკათ დაისჯოს. უკიდურეს შემთხვევაში სულ გაძეგონ დუმიდან. ამასთანავე სასტიკათ აკრძალოს დეპუტატს, საწამ ის დეპუტატის წოდებას ატარებს, საზღვარ გარეთ წავიდეს და კანონს უცხოელებს რუსეთის შინაურა მდგომარეობა.

დუმის გარეთაც არა ნაკლები სენსაციური ამბები მოხდა. ამათგან აღსანიშნავია შემდეგი:

გრ. ბობრინსკი მინისტრის ამხანაგათ, კრუპენსკი გუბერნატორათ. სატახტო ქაღაქებს გაზეთებმა დაუჯერებელი ამბავი მოგვიტანეს ხმები გავრცელდა და გრ. ბობრინსკის (უკიდურესი შემარჯვენი) შინაგან საქმეთა მინისტრის ამხანაგათ ნიშნავნობ. ხოლო კრუპენსკის („რუსთა კავშირის“ წევრია) ჩრდილოეთათ ერთ გუბერნიის გუბერნატორათათ. მართალია ეს ხმები დაუჯერებელია, მარა იმავე დროს რომ ეს ასე მოხდეს გასაკვირალი არ იქნება. აზრც ის უნდა გავვიკვირდეს, რომ ზერიშეკვინი სახაღხო განაღლების მინისტრათ დანაშონს, მოდღაღტე შმიდი სამხედრო და შუღვინი იუსტიციის მინისტრებათ, ხოლო ცნობილი დეკანოზი ვოსტოროგოვი ზეტერბურდის მიტროპოლიტათ.

რუსთა კავშირის სიეზღი. 16 თებერღაღს ზეტერბურგში გაიხსნა „რუსთა კავშირის“ სიეზღი. სიეზღი შეუღდა „შინაურ საქმების“ მოწესრიგებას, რადგან ოჯახის ძაღიან აფორაქებული აქვს. არეგ დარგვის მიზეზი ზერიშეკვინიის და დებროგინის შორის მომხდარი ინციდენტი. „შინაურ საქმების“ განხიღვას შემდეგ სიეზღი შეიმუშავებს სხვა და სხვა ზომებს სრულიად რუსეთის კეთილდღეობისთვის.

პორტ-არტურის გმირის სტენელის დასჯა. როგორც იქნა სამხედრო სასამართლომ დაასრულა პორტ-არტურის გმირ გენერალ სტენსელის საქმის გარჩევა. სტენსელს საკვდილით დასჯა გადაღწვიტეს, მაგრამ შუამღვაღობის, სასჯელი აპატობს. რასაკვირველია აპატობენ.

შეთქმულობა. ამ უკანასკნელ ხანებში ზეტერბურგში საიდუმლო ზოლიღიას წყაღობით შეთქმუღობა აღმოაჩინეს. შეთქმუღებს უნდოღათ მოკვღათ დიდი მთავარი ნიკოლოზ ნიკოლოზის ძე, იუსტიციის მინისტრი შჩეგლოვატიგოვი და მრავალი სხვა უმღღესი ზირ-

ნი. რასაკვირველია მათ თავიანთი ბორტოტი განზრახვა სისრულეში ვერ მოიყვანეს, სიმაკიეროთ მათ შესახებ უკვე მოიყვანეს სისრულეში განაჩენი და ზოგი მათგანი უკვე დასაჯეს სიკვდილით.

გენ. ტოლმაჩევის სიკვდილი გადაუწყვიტეს. ს. რეფოლიუციონერთა პარტიის, ეგრეთ წოდებულ, „მფრინავ რაზმს“ ადვისი გენერალ-გუბერნატორ გენ. ტოლმაჩევისთვის სიკვდილით დასჯა გადაუწყვიტია. თავის გადაწყვეტილება რაზმს ერთ თავის წევრისათვის მიუნიღვია. ის ამდგარა და ტოლმაჩევისთვის წერილი მიუწერა გადი ადესიდან და ორივე გადაჯერებით უსიამოვნობას. ტოლმაჩევი რაზმელზე უფრო მამაცი აღმოჩნდა და განაცხადა ფეხსაც არ მოვიტევი ადესიდან და ვინა-სით ვინ რას მიზამსო. რასაკვირველია ისეთი მშობნა რაზმელები, როგორც სემოაღნიშნული ეოფილა გენერალს თითხაც ვერ დაჯარებენ.

ქუროთიძე.



ორი უშმაკი

(ლექსია სროლა)

პირველი. სათათბირო აიკლეს, ბარონებმა, გრაფებმა,

მეორე. ჩვენი თფილის ქალაქი სინემატოგრაფებმა

პირველი. — კაცი რომ მოხუცდება ტვინის კანი უცვდება

მეორე. — მაღლა შედგმული ფეხი დაბლა ჩამოუცდება.

პირველი. — ფანჯარაში მტრედია ნეტა ვისი ბედია.

მეორე. — ქუთაისის მფარველი ბოქალული კედია.

პირველი — ერთი რამა „სულიერი“ თურმე ქვეშ-ქვეშ მძრომელია

მეორე. — „ნიშადურში“ „მეთაურს“ წერს როგორ გითხრა რომელია.

ს ი მ ლ ე რ ა.

აჰა, ელია მელია,
ჯერ ჩავიწმინდო ყელია,
რომ კვლავ ვიმდგრო ტკბილი რამ
ახალი, არა ძველია.

მე ტკბილს ვეძახი, მკითხველო,
შენ ვეგბ მითხრა; „შხამია!“
დროს დააბრალე ვეგნი,
მე რა ვქნა, ჩემო ძამია!..

წელში მოხრილი, ჩოფანო,
ქალამნებ გაცვეთილია,
კისერ ჩამწვარი, ცხოვრების
ეგ უჯანონო შეილია,
გლესხ ეძახიან, ხან გლახას,
პირშიც არ ერიდებიან,
ამაე დროს მისი ნაოფლით
სვაე-ყორნებევით ძღვებიან.
მას აწვებიან, — ის ქედს ხრის,
მიწას აშტერებს თვალგება,
მიწას, რომელსაც ის ნატრობს
სამოთხეს ანაცვალგება!..

სდგას, როგორც ბნელი აჩრდილი
აღამიანის სახისა,
უმზერ და გული ვიკვდება:
უმადური ხარ ნახვისა,
იქ, სადაც ქრისტე მაცხოვარს
თვის კალთა დაუბერტყია,
ფიქრობ: „იქ ვნახავ ბედნიერს“...
მიდიხარ — გხვდება ტეტია.

კოლხიდა „ოქროს მატყლითა“
საზღაპრო ბუნებისა
— „იქ მაინც ვნახავ“... მიდიხარ...
და იქაც ისევ ისაა:

ბნელში მყოფისთვის „სინათლეს“
თვალი ვერ აუხელია
და საშაიროც გამხდარა
„სესია“, ანუ „ჩელია“.
მას დაკორძილი ხელები
მკერდზე ჯვრათ დაუქედია

და მტრისთვის შიშის მომგვრელი,
ძირს დაუბრია ქედია.

და ფიქრობ გულში: „სიბნელე
სიგლახის წარმომშობია,
თორემ ამნაირ ყოფნასა
არ ყოფნა არა სჯობია?!“

აჰა, ელია მელია,
ჩონგურს გაუსვი ხელია,
მინდა სხვა საგანს შეეცხო,
ქვეყნა ერთობ ქრელია
ნაირ-ნაირი მოვლენა
ურიცხვი, უღვევლია
და სჯობს ყოველგვარ სათქმელის
თავთავის დროზე მთქმელია.

აგერ უღვეშებ გაწყებნილს
უხდება კოხტა წვერია.
მხიარულია, იცინის,
თითქო აქ არაფერია.


წელსა ხანჯალი უმძიმებს,
ხმალიც კი დაუკიდია,
თვისი კაცური ღირსება
ფულეებზე გაუყიდია.

— „კნიაზ აქ მოდი!“ — ის მიდის,
— „წადიო“, ბატონს შორდება
ფიქრობს, რომ იცავს თავის „მეს“
და აი, როგორ ღორდება!

არც კი მიიხედენს, გარწმუნებთ,
რომ ჰკითხოთ, როგორც წესია,
რომ ამ ყოფნაზე, „არ ყოფნა“
ათასჯერ უკეთესია.

და კვლავ ელია მელია,
ჩონგურს გაუსვი ხელია,
შეეჩერდი, მაგრამ დროებით,
რომ ჩავიწმინდო ყელია...

ნ. ზომლეთელი.



სახ. დუმის მემარჯვენე გლეხები და აგრარული საკითხი.

სოტბა მართი ფოტოელი გვამისა.

პაწაწინა კაცუნ-კოჩო, ურცხვო, მასხარაო!
სთქვი, სინდისი არ გქონია, თუ სხვამ მოგპარაო?
ვინ გასწავლა ეგ ჩურჩული უფროსთა ყურშიო
და დიმიტრის რატომ ახლდი, რა გქონდა გულშიო?
განა ფიქრობ, არ ვიცოდეთ, თუ რამ აგრიაო?
ვისი „მადლით გაათავე“ სემინარიაო!
იკურთხოს მღვდელ მონაზონი მამა ტიტკოო,
შენი მწვრთნელი და მფარველი მუდამ ის იყოო...
კლასით კლასში მიგათრევედა უნიქო ბიქსაო,
თორემ შენ ვერ გადასდამდი წინ ერთსა ბიჯსაო.

და რა იგდე ხელთ დიპლომი გულსა გეფონაო.
დიპლომიანს შენი თავი ბრძენი გეგონაო.
მაშინათვე გამონახე საშენო ბინაო...
პოლიციის ფრთეთა ქვეშე გსურდა გელხინაო.
თქმა არ უნდა ამისათვის ნიჭიც შეგწვედაო,
ჯაშუშობის კარგათ ცოდნა რაკი თან გდევდაო...
მაგრამ იმ დროს შენსა აღას ტიტკოო ბერსაო
დიღკაცობა ზიუბოძეს ჩვენსა მხარესაო.
შენც მის კალთას მიაშურე, მისმა წიწილმაო
და კარგადაც „იმოდღაწეთ“ მამამ და შეიღმაო.
წინ წაწვეის დიღკაცობის გქონდა იმედო,

მაგრამ ბოროტს თურმე მუდამ არ სწყალობს ბედით... უცებ დაჰკრეს განახლების ბუკი ნალარაო... შენ და შენი ალა შიშით გახდით ქალარაო. აეხადა თქვენს „ნაღვას“ ფარდა ნიღაბით და საქვეყნოდ გამომზევრდა თქვენი ქითაბით შენი ალა გაიბარა—დარჩი მარტოკაო, გამვლელის და გამომვლელის იწყე ფეხთ ლოკვაო. და ამ ხერხით მაშინ კიდევ აგცდა სასჯელიო, მაგრამ გველი გველათ დარჩი უნდო და ჭრელიო. გველ-შხაკრობით, მელიობით წინაც წაცოცდიო, გუშინდელი გველაძეა მზეზე გამოდიო! ან რა გიშავს, ამინდი ხომ ერთობ კარგი გაქვსო და ახალი მბრძანებელიც მადლიერი გყავსო!

პილპილი.

შ ე კ ი თ ხ ვ ე ბ ი .

(ბათუმიდან)

მოეხსენება თუ არა „ეშმაკს“, რომ ბათუმში 14 იანვარს გამართულ ქართულ საღამოზე სკოლის სასარგებლოთ რამე-რუმეების ზოგიერთმა გამოიდგელებმა აღებული ფული ქე იმასქნეს!.. და თუ მოეხსენება ეს, რა ზომების მიღებას აპირებს იმათ შესახურებლათ?

კვინწარი.

პასუხი. ფიცხლავ მიერთმევა მათ ჯერ-ჯერობით სამი ყანწი კუდინი ერთბაშად გადასაკრავთ და თანაც ფიცხელი მოწერილობა გაეგზავნება სკოლის კომიტეტს, რომ შემდეგ საღამოზე ეს „ზოგიერთნი“ არ მიაკარონ საღამოს.

ეშმაკი.

2

მომხსენება თუ არა იმავე „ეშმაკს“, რომ იმავე საღამოზე ზოგიერთი ნივთები, ლატარიაში სათამაშოთ ჩაგდებულნი, იმათ ჩაუვარდნეთ ხელში, ვისაც ეს ნივთები მეტის-მეტათ მოეწონათ და ვინც წინ-და-წინ გამოსთქვამდენ სურვილს, რომ ნეტავ ეს ნივთები მე ამომივიდოდესო? თუ მოეხსენება ეს, ამ არსებათ წინააღმდეგ რა ზომების მიღებას აპირებს?

კვინწარი.

პასუხი. ერთი დიდი კული მათრახისა მათ ზურგზე. გარდა ამისა, თუ ვინმეს აბრეშუმის საკაბე, ან საბლუზე ერგო ამ გზით, ჩამოერთვას ის და შემდეგ საღამოზე გათამაშდეს. თუ ეს არ მოხერხდეს, როცა შეიკეროს და ჩაიცვას, საჯაროთ ტანზე შამოახიოს კომიტეტის მთელმა „სოსტავმა“.

ეშმაკი.

3

მომხსენება თუ არა იმავე „ეშმაკს“, რომ ბათუმის ზავაყო გიმნაზიაში ყველა მოწაფეთ უღუმ-წვერვალესად ეზიზღებათ მრავალ „საგმირო“ საქმე-

თა გამო ფრანგული ენის მასწავლებელი, რომლის წყალობით არა ერთი და ორი მოწაფე გამოთხოვებია გიმნაზიის კედლებს, მიუხედავთ ამისა გაწვავლებული ესე ფრიად მოსწონს გიმნაზიის მთავრობას და ეს უკანასკნელი მზად არის მთელი გიმნაზია დაითხოვოს, ვინემ ეს გმირი პედალოდი? თუ ეს მოეხსენება, რა უშველის საქმესა ამას?

კვინწარი.

პასუხი. დროსა ამასა პედალოდნი ასეთნი ფრიად მრავალ არიან, ვინაიდან ისინია ბურჯნი დელიანოვებისა და კომპანიისა. კული მათრახისა და კუდინი, თუ გინდ 100 საწყავი, ასეთ ვაჭბატონებზე არ მოქმედებენ. ფრთები რეაქტიისანი იფარავს მათ და გაწმენდა ქვეყნისა რეაქტიისაგან გასწმენდს სასწავლებლებს ასეთ მასწავლებლებისაგან. სხვა წამალი არ არის.

ეშმაკი.

მიმართვა ეშმაკისადმი.

შენ, „ყიამეთო“ მწერს მიხელაი, თავს ნუ შემაკლავთ სჯობს ტყულათაი მეცა ჩამწეროს მისწერე „ეშმაკს“ თუ კი ჩასწერა სხვაი ყველაყაი“

ეს დიმიტრაო ეს ნიკოკაო ეს კოწიაო ეს ტელმაკაო, რა ბუზებია ჩემთან ან ერთი ჩემებრივ ხალხი ვინ მოკაცაო.

არ დაიჯერებთ? აჰა ფაქტები: ჯერე ვიპარე გოჭი, ბატები, კვლავ გავფირალდი დარჩია და მე ვცარცვეთ დუქნები, სახლებ საყდრები, ცოტა ხანს მერმეთ გულმა არჩია დავალაღატე, გავეცე დარჩია. სოსიკო პრისთავს მით შეურვიგდი და მასთან სტრატათ დიდხანს დავრჩია.

სტრატეიკობაშიც ვცარცვეთ ქვეყანა და სიკოც იყო წილში ჩვენთანა ახალ თაობაც რომ შემოვიდა მეც გადავედი ვითომ ხალხთანა

მაგრამ შემიტყვეს აღრე შპიკობა არ გამოვიდა მათთან ხრიკობა ამ დროს მომისწრო მთავრობის გრგვინვამ და ეხლა ნახეთ ჩემი ბიჭობა.

გავხდი ზუნზუნთა მე მეთაური საკმაო ძმებიც მყავს შინაური თუმცა ნადავლი ძმებსაც მოგვარე მაგრამ ჩავაქრე აურ-ზაური.

აქეთ მთავრობაც ხელს მისვამს თავზე წარდგენილი ვარ „სტარშინობაზე“ დედა ვუტირე ახალ თაობას ბიჭია შემხდენ პირდაპირ გზაზე.

ჯურუყვეთს ვკმარვართ ჩვენ მარტო მცველათ
საეჭოს, ყველას გავთოკავთ ხელათ
ფვიცავ გაფხევილ აზნაურობას
გაუმკლავდებით თუნდ სოფელს მთელათ.

ნუთუ ასეთ გმირს არ ჩამწერთ თავში
კაცობრიობის ისტორიაში?
მაშინ იცოდეთ შენც და ეშმაკიც
არ დამენახოთ აქ გურიაში.

მეც მაგისტვის გთხოვ, ეშმაკო დილო
ეგ ხულიგანი აქო აღილო
თორემ იცოდე მეც მარა შენცა
სჯობს სხვა თასი რომ გადიკილო.

უიამეთი.

მიღის ხელიდან აპაკი!

ვერც თუ აკაკი გაექცა
სარეაქციო კილოსა...
მოსდგა და ბეჭდავს შაირებს
დასაგმობს, სათაკილოსა.
მიკვირს მგოსანმა გვეთი
„ლექსი“ ვით გაამხილოსა?
(თუმცა „სიბერის ტკივილებს“
ვინ გაექცევა შეილოსა?)

ეშმაკი.

P. S. ძლიერ მწყინს, რომ აგრე რიგათ
დახურდავდა მძლავრი მუზა
და არაქათ გამოცლილი
„ბნელს კედლებში“ შეიტუზა.

მ.

რ აჭაღე ჩხუმი ი.

(გაკვრით რაქა-ლენხუმში.)

ძმაო ეშმაკო! მშვიდობით მოვაწიე ტურფა ონა-
მდე, საიდანაც, სალამთან, ერთათ, გიგზავნი გზა და
გზა გაკვრით შენიშნულ ამბებს.

ლენხუმის თვალი ცაგერი ისევ „უცხო“ სანა-
ხავია! ზევით სერზე ერთი მეორეში არეული ხში-
რი ძაღლების ყეფა ისმოდა, რომელსაც ხან გამო-
შვებით კაცის კვილი, და თოფის ქექა უერთდებო-
და. გამოგონია: „ცაგერის მახლობლათ დადიანს ნა-
ღირობა უყვარდაო“, და რაკი ეხლა დადიანობა მის
ბრწყინვალეობა რამინ ჩიქოვანს დარჩა, ვიფიქრე: ის
ნაღირობს მეთქი! ამ ფიქრებში გართულს უცბათ
ერთი ჩემი ძველი ნაცნობი არტემა შემხვდა, რომელსაც
სახის დაღრეჯილება შევნიშნე და ვკითხე
თუ როგორ იყო მისი საქმე! ჩემი საქმე რომ არის
დაიწყო არტემამ—ღმერთმა ისე ჩვენი დობტური
ნაღირაძის საქმე წიყყანას.—ეს ერთი ხანია ცოლი
მიკვდება და არა იქნა ვერ მივიკარე და ვერა... დი-

ლას გათენებამდე ტყეში მიბზის, ხომ გვემის ი
ძაღლები, რომ ყეფენ ისიც იქ ბრძანდება გასართო-
ბათ. ის ძაღლებს დასდევს და ჩვენ იმას დაედევთ,
სწორეთ აღარა ვართ მეტი... ნეტაი ხანდახან მიინც
მოდირდეს მაგ ჩვენი ცოდვით სამსე! როცა დარია:
„ახლა კარგია ნაღირობაო“ და მიბზის; როცა ნა-
წვიმარია. „ახლა კიდევ უკეთესიაო“ და როცა თო-
ვლია: „კვალი უკეთ ატყვიაო!“ ერთი სიტყვით მა-
გისი ბინა უფრო ტყეშია ვიდრე კაცთა შორის და
არ ვიცი რა გვეშველებოა“ დაათავა არტემამ.—გა-
მასხენდა განდევნილი ექიმი ჯინორიძე და ბრწყინ-
ვალე წოდების მიერ ამ მხრივ წინ გადადგმულმა
ნაბიჯმა გულში ხიც-ხიცი დამიწყო!...

ცაგერის შემდეგ პირველი შეჩერება ს. ტოლას
(რაქა) მომიხდა—აქ ერთი ძველი ნაცნობი მი-
ხა გოგოშიძე ვინახულე, მაგრამ სამწუხაროთ
მას „ფრონტი“ შეეცვალა და ამიტომ ჩემს მიღება-
ზე რომ უარი არ ეთქვა, უცბათ მივაძახე: „მალა-
დეც“ მიხა! უცხოთ გითება მაგ ყელზე „სტარში-
ნას“ ჯაჭვი და მიხარია ჩემსავით შენგანაც შეცდო-
მის მალე მიხდობა მეთქი.—“ეჰ, გაგბრიყვდი შენი
ჭირიმე—დაიწყო მიხამ, თვარა რა ჩემი საქმე იყო.
სახედარსავით რომ ვლრიალებდი: „გაუმარჯოს ერ-
თობასათქვა!“ — მადლობა ღმერთს, ეხლა ისევ გამო-
ვაკეთე საქმე და ასე მგონია აღარაფერი მიჭირს.—
„ურიადნიკი“ მეუბნება წადგენილი ხარ „მენდალზე“
იმის გამო ვენახში დაწოლილი დაქრილი მალხაზა
სალუქაძე რომ გვაჩვენეო და ვნახოთ...“ ჩაიღმილა
მიხამ.

გამასხენდა ეხლა უკვე საიქიოს მყოფი საცო-
დავი მალხაზა და ამ მოგონებით ამღელვარებულმა
ცოტა მათრახის კუდი გამოვწიე, მაგრამ მალე ისევ
დავმალე რადგან თავში გამიარა, რომ შენ უფრო
მაგრათ მისცხებ ჩემო კარგო ეშმაკო!...

ტოლიდან გვიან წამოსული ს. მიქარწმინდაში
ლამე მივედრ სხვა გზა არ იყო უნდა ღამე აქ გამე-
თია და რაკი სინათლე მხოლოთ ერთი სახლიდან
გამოსქვიოდა და რაკი ისიც ვიცოდი, რომ ეს სახ-
ლი სტუმართ მოყვარე გიორგი ი. სოხაძეს ეკუთ-
ნოდა კარები შევადე.—სახლში მამა გიორგის გა-
რდა არავინ იყო და მასაც თავი სტოლზე მდებარე
ჩაკაკაქებული „უსტარის“ ბოლოზე დაედო და ისე
ჩასძინებოდა.—ვიფიქრე საქმე სულიერ მოძღვრებას
შეეხება მეთქი და ცერებით სტოლის ახლო მისუ-
ლმა სხვათა შორის შემდეგი ამოვიკითხე: მის აღმა-
ტებულებას... არ მახსოვს რა პეეში 1905 წ., ზა-
ფხულობით ნებართვითა სათანადო მთავრობისა წა-
ვედი ს. მიქარწმინდაში ჩემს ოჯახში.—მივედი თუ
არა მეორე დღესვე დილით მოვიდენ ჩემთან სახ-
ლში ერთ-მეკარენი ჩემნი ერასტი და ესტატე და

გამომცხადეს „მოვალე ხარ დღესვე მუშაში საზოგადო გზის სამუშევრათ ერთათ სხვებისა“ მე უპასუხე: „ჩემი წოდების პირანი არა ვართ მოვალე გზები ვიშუშაოთ დანაბარი გლეხებსა“ მით დასძინეს: ჩვენ დავალებული ვართ ხალხისაგან უეჭველათ გამუშაოთ შენც და სხვებიც ვინც უნდა იყოს“ დავფიქრდი და სინამდვილისათვის ვავედი თავ ყრილობაზე და მართლაც ვნახე გლეხთა შორის სამღვდელონი და აზნაურნი თოხებითა აღტურვილნი შეურიგდი მათ და დავიწყე მუშაობა ბუგეულის ხიდიდან, შემდეგ მუქარიამუშაობისა დავისვენეთ ახეთის ადგილებში და შეუდქით სადილისა ქამას—გათავდა რა სადილი და ყველანი ერთ დროს ადგენ, იმ სოფ. მღვდელმა ამოიღო ჯიბიდან ორი ნაჭერი დაწერილი ქალაღი, ერთი მათგანი გადასცა მეზობელსა თვისსა და ორივენი შეუდგენ კითხვასა, ხოლო კითხვისა ქამს გაისმოდა სიცილი.—მეცა მოვიტოხვე ერთი ვითარი ქალაღი დავრწმუნდი რომ ნანდვილათ „პროკლამაცია“ იყო.—მეორე დღეს დილით ადრე მივიგრაგენ ბოქაულისა ასლან კვიტაშვილისა მიმართ და შევადგინე ოქმი წარწერითა ყველა ნათქვამ გარმოებათა. მით უმეტეს მე ერთგულმა მსახურმა მიფისამან ვერ დავფარე უწყსოება ხალხისა და მისი მეთაურისა.

„ებისტოლე“ ესე დიდი იყო მაგრამ მე ამ სიტყვების მეტი ვერ მოვასწარი, რადგან დღის სინათლემ ღამის სიბნელეს გაბნევა უწყო და მეც დარჩენა აღარ შემეძლო.—მამა გიორგი ისევ მძინარე დავტოვე და უნატრე კიდევ მანამდის ძილი სანამ მათრახისა კული არ შეარყევს ზურგსა მისსა

ნაცნობი.

წერილები ეშმაკისადმი.

სიმონეთი. ბ-ნო ეშმაკო. „სკვინჩას“ მიერ თქვენი უკვე მოგხსენდათ, სიმონეთელ მოძღვართა მოქმედება, მაგრამ ყოფილ მასწავლებელ ი. თორთლაძის შესახებ აღბათ ჯერაც არა იცით რა. მან კი 600 მანეთი ფული „შეიმასქნა“ საზოგადოების და ისე მოხერხებულათ „შეიმასქნა“, რომ თქვენ „გაგაიმასიქს“. ჯერ კიდევ არაინ იცოდა 600 მანეთის „შეიმასქნის“ ამბავი, რომ ივანე მოიჭრა ბოქაულთან და მოახსენა: ჩემს იქ არ ყოფნის დროს სამმართველოს კასა ვასტეხეს და ფულეები მომპარესო“. მაგრამ წარმოიდგინეთ ბ-ნო ეშმაკო, რომ ამ დროს იმ სამმართველოს ექვსი სტრანჟიკი ყავდა ყარაულათ სოფლის ხარჯით დაქირავებული. პირიქით გამოძიება ამ საქმის შესახებ ჯერაც არ დასრულებულა და ვგონებ საქმე ამ 600 მანეთზე არ დადგება.

ახლა გთხოვთ ბ-ნო ეშმაკო, რაც ერგებოდეს ამ ვაჟ-ბატონს თავისი წილი „სპერმაკულინიცა“ და მათრახის კულიც გამოუგზავნო.

დესპინეშვილი.

პეტროვსკი.

ჩვენი მფარველო ეშმაკო მოგმართავთ სათხოვართა თუ დრო გაქვს ჩამოგვეშველო შენი მათრახის ტარიითა. სწორეთ ეკუთნის „კულინი“ კომრავა დანიელასა და თუ ერთს ჩამოფრინდები დიდათ გვაამებ ყველასა. მხოლოდ გაზეთის კითხვისთვის გაპანჩურებს მუშასა, და კულიც მოხვდეს მათრახის ვგონებ არა რა უშავსა.

ა. მაგალობელი.

შილდა (კახეთი). ბ-ნო ეშმაკო! ხომ მოგეხსენებათ როგორი წვითა და დავით შევირთეთ თითო ცოლები; რათა კერა არ გაგვეცივებოდა? ახლა, ამ ბოლო დროს; საქმე კულდათ წავვივიდა ძმაო. ისიც მოგეხსენება ალბათ, რომ აქ ახლო წარსულში ილიას სახელობაზე ფონდი დააარსეს. მოიღვეს ჩვენმა ცოლებმა მიზეზათ ეს ფონდი და მთელ დამეებს ლოტოს თამაშობაში ათენებენ, ვითომ ამ თამაშით ფონდს ვაძლიერებთო. მაგრამ ისე თქვენი მტერი ვაძლიერდა, როგორც ამ დღეს უკან ჩვენი ოჯახი ვაძლიერდა. მოდის ქმარი სამუშაოდან, კითხულობს სად არიან ქალებიო?

— ლოტოს სათამაშოთ წავიდენო; უპასუხებენ ატირებული ბავშვები.

ჩვენი მდგომარეობა იმით არის სავალალო, ბ-ნო ეშმაკო, რომ ერთი ზღაპრული თქმულებისა არ იყოს: გაუშვებ ინანებ, არ გაუშვებ და იმასაც ინანებ, ვინაიდან ქალი სულს შევიწყულებს: „ასეთ ყოფნას არ ყოფნა სჯობია; დღეს იქ იქნებიან ყველა ჩვენი ქალები: თიკო, ტასო, ბაბაღე, ნინა, მინა, მაკრინე, დესპინე და მე კი თვალზე გამოღამებული შინ ვაგდივარო“. ასე და ამგვართ ძმაო, ხომ გვიგონია: „საწყალო კაცს ქვა აღმართშიაც მიეწვევაო“—აკენის რწევა გვაკლდა და ახლა იმასაც ვეღირსეთ.

ახლა შენი იმედი დავგრჩენია, მამაო ეშმაკო, შენ იცი თუ ამათ მოგვირჯულებ. ძილშიაც აბოლებთ ხოლმე: „სემუჟუ“, „დეცაატავოო“ „ტრიო“. კონჩილო და სხვა. როცა ამ რუსულ თვლას დაიწყებენ ერთი შენი მათრახის კული უცხუნე ქუაზე მოვიდენ.

ვანელი ბაგრატა.

ბაქო. ძვირფასო ძმაო ეშმაკო! რომ იცოდეთ რარიგ საქიროა ერთი შენი აქეთ ჩამორბენა, ვგონებ ბევრს არ დააყოვნებდი.

თუ მართლა წამოხვიდეთ ეს მაინც იქონიე სახეში, რომ საათი ან ძვირფასი სხვა ნივთი არ

იქონია თან, თორემ ვოგზლის უკან რომ „ქართველი ჯგუფი“ მოქმედობს, მალე დაგაბანინებს ხელს. ქანდარუმებს დაემალება კაცი და შანტაჟისტების ხელიდან გაძრომა კი თითქმის მოუხერხებელია.

„ერთმა ღორმა ასი გასვარაო“ რომ იტყვიან, ისეა ჩვენი საქმე, თუმცა ასეთი გამსვრელი „ღორი“ რომ ერთი ყოფილიყო უშენოთაც გავუსწორდებოდით. თუ წინათ ნდობითა და პატივის ცემით გვექცეოდნენ ბაქოელ ქართველებს, დღეს ახლოც არაფერს გვიკარებს: ყველანი „შანტაჟისტები“ ვგონივართ. ამ ვაჟბატონებმა იმ ზომამდე განავითარეს თავისი სამარცხვინო ხელოვნება, რომ დასაჯერებლათ ანელია. ბოლო დროს მოღაში შემოვიდა ქალბიოსადმი წერილის მიწერა. სწერენ: თუ ამა და ამ დროს ფულები არ დაამზადე „განსაცდელი“ მოგვლისო. მართლაც რამოდენიმე ქალბატონების შემწეობით, რომლებსაც ბაქოში „ოღრაშს“ ეძახიან, გაიგებენ ხოლმე როდის არის ოჯახში მარტო ქალი, მიუხტებიან და ვინ იცის რა საზიზღრობას არ ჩადიან.

ყოველივე ზემო აღნიშნულის შემდეგ სრული უფლება გვაქვს, ბ-ნო ეშმაკო, მოვითხოვოთ თქვენგან ამ ვაჟბატონებისათვის საკმაო „კუდინი“ და მათრახის კუდიც.

შენი კალამი.

ხონი. (ნაპოვნი წერილი). ძმაო სანდრო! ...მწერს დაწვრილებით შემეტყობინე ხონის ამბები... რას შერება შენი ძვირფასი „სმოტრიტელი“ და როგორ არიან დანარჩენი ხონის დიდებული მოღვაწეები!..

დიდი სიამოვნებით ვიღებ კალამს რომ შეძლები დაგვარად აგიწერო ხონელ კაცუნების ავან-ჩა-ვანი.

იცი, სანდრო, რომ უკვირდები ჩვენს ცხოვრებას თანდათან ვრწმუნდები, რომ შენი საყვარელი ს. ენუქიძის მზავს ადამიანებს თურმე თვით ვგონერი ცხოვრება ჰქმნის. ავიღოთ მაგალითისათვის ჩვენი „სმოტრიტელი“ ვლადიმერ მაქარაძე რა იყო, ყმაწვილო, ის გუშინ? არაფერი. ეხლა კი დიდი ვინმე გონია თავისი ცარიელი თავი და ფა-მობს ერთიანად შეგვეჯდეს კისერზე. ხუთმეტ თუშ-ნიანი შკოლის „სტოროკი“ ახლად აშენებულ სახლში წაიყვანა და იმსახურებს. შკოლა კი დაუგვე-ლია. შევირდებმა უარი განაცხადეს კლასების და-გვაზე. შევირდების ურჩობამ ძლიერ გააჯავრა ვლა-დიმერი და დავვემუქრა: ეგ მასწავლებლების ბრა-ლია და „დოლენ დონესტი“ ო. შკოლის შენობას ხომ კონფისკაცია უყო! სხვათა შორის ერთი კარ-გი თვისება აქვს ჩვენს ვლადიმერს: კარებში აიტუ-ზება და ყურს უგდებს: აბა რას ელაპარაკება მას-წავლებელი ყმაწვილებსო. (ხომ გაგონდება შენი ენუქიძე?)...

ენობაან აქეთ ხმები გავრცელდა მათე ბახტაძის შესახებ, ვითომც ის ბათუმელებს მიეწვიოთ გა-კორტებულ ბანკის დირექტორათ, მარა მე, ურწ-მუნო თომა ვარ და ფიქრობ: ეკ ხონური ხრიკე-

ბია. მალე ხონის ბანკის წლიური კრება უნდა მოხ-დეს და მათე ჩვეულებისამებრ ჯამაგირის მომატე-ბას მოითხოვს და... მიუმატებენ კიდევ, თორემ მათე ბათომში რომ წავიდეს (?) მაშინ რალა ეშვე-ლებათ ჩვენს ვაქრუკანებს? ხომ დაეკარგებათ ნიჭი-ერი ფინანსისტი...

ჩვენს მსცოვან მოღვაწეს ივანე შარაშიძეს ამ ბოლოს დროს დასჩემდა „მარტოობა სულისა“. ამის გამო მან მოიგონა ლოტო, რათა ხშირად იხი-ლოს ჩვენი მანდილოსნების თავშეყრილობა და მით „სულის მარტოობა“ სძლიოს... მეტი რალა მოგ-წერო, სანდრო! ცხოვრება აქეთ ძალიან უფერუ-ლად მიმდინარეობს! და... მომწერე თქვენი ამბები. შენი კობილე.

P. S. ეს წერილი ფოსტის კიბესთან ვიპოვე და რადგანაც ერთგვარ ინტერესს მოკლებული არ არის თქვენს გიგზავნით „ეშმაკის მათრახის“ მახ-ლობელ მისთვის კონვერტზე ეწერა: ახალსენაკი. ს. ენუქიძე. ვადაცით სანდროს. სამწუხაროთ ავტორს არ სკოდნია, რომ ენუქიძეს წერილების გადათვა-ლიერება უყვარს.

№ 1.

დ. ნაოღალევი. მეგობარო ეშმაკო! ბოდიშს კიხითი, რომ ამდენ ხანს წერილი ვერ მოგწერე, მაგრამ ნეტავ შენის მშვიდობით არც მაშინ მომე-წერა. იცი ჩემო ეშმაკო, რა აურზაური ასტეხა აქ შენმა მათრახმა? ზოგს ნამეტანი მოხვთა შენი მათ-რახის კუდი და ზოგს კიდევ ნაკლებათ, მაგრამ ყვე-ლთა ესენი შენმა მათრახმა ერთ ბანაკში მოაგროვა, დაამეგობრა და ერთ გზას დააყენა. მათ ძლიერი იერიში მიაქეთ მეორე ბანაკის წინააღმდეგ, რომელ-შიდაც მომწყვედელი არიან აქაურ საეკლესიო და საერო სკოლის მასწავლებელნი, გარდა მასწავლე-ბელ ცხაკაიასი, რომლისთვისაც „სპერმაკუდინი“ მეტი ზომისა დაგიღვივებთა. იცი, ჩემო ეშმაკო, შენგნით გამათრახებულნი გულმოდგინეთ დადებენ შენს აქაურ მასპინძელს, მაგრამ როგორც ყოველ-თვის ახლოც ვზა დაბნევიათ. ისინი ცალკე სექტას შეადგენენ, ევრეთწოდებულ „სექტას გამათრახე-ბულთა“ ს. ჰოი, იცოდე ნეტავ ჩემო ეშმაკო, რამ-დენი რამე საქმე მაქვს შენთან. ავთ გავხთი, ფერ-შლები არ მომეკარენ, რეცეპტი დამიწერეს, მეაფ-თიაქემ წამალი არ მომცა, აქაო და არ არის ჩემ აფთიაქში წამალიო, ფულები ემართა ჩემი სხვებს, მოქაული კი არ ახთვენივს, მოსამართლე მსაჯული კი გაჯავრდა, საქმე ან გამირჩია, ოჩამჩირეში მივ-დი ვაჯავრდა, საქმე ან გამირჩია, ოჩამჩირეში მივ-დი ვაჯავრდა, ფოსტის უფროსმა კი ეშმაკის წერილს ვერ გაგიგზავნო, პასპორტი მინდოდა, მინდოდა სადმე გადავკარგულიყავ, მაგრამ ბეკოც აღარ იძ-ლევთა, „რუსის მაჭარა“ ჩემი ზიარება რალათ მო-მისპეთო, ბაზარში კიდევ ყველასფერი გამიძვირეს. ეჰ! ვინ იცის ჩემო ეშმაკო კიდევ რამდენი რა მიქრის მე შენგნით. ამაებს შენი კირი წაულია. მაგ-რამ უბედურებათ აი რაშია: აკი მოგახსენე შენი აქა-ური მასპინძელი ვერ გაიგვს მეუპი. მართალია ვერ გაიგვს მისი ვინაობა, ვერ შეიტყვეს თუ ვინ არის შენი „უჩინმაჩინი“. ისიც სთქვას „გამათრახებუ-

ლებმა " შენი მასპინძელი არის აქაურ სასწავლებლის ზედამხედველი ა. სულავაო, კა მავას ბიჭე-ბოო. დასძახეს ერთბაშით. მაგრამ შენის წყალობით ვერა უყვეს რა. ეხლა კი ში იანვარს ზოგიერთ "გამათრახებულ-გასპერმაკულინებულმა" სულავას წინააღმდეგ შეგირდები ააბუნტეს. მაგრამ რა მიხარია ჩემო ეშმაკო, რომ თავიანთი სიბოროტე თვით დაატყდათ მათ თავიანთ თავზე. სულავა კი დარჩა ისევ მართალი, როგორც იყო. სრული დარწმუნებული ვარ ჩემო ეშმაკო ერთს კიდევ გამოინავარდებ ჩვენსკენ და ამ საქმეს გამოიკვლევ და კიდევ მოსცხებ შენ მათრახს იმ ვაჟბატონებს. რომელნიც დაფარულად სხვის დასალუბავად მოქმედებენ.

P. S. მათრახი არ დაივიწყო, ვინცომაა ზოგიერთებისთვის დაგვირდეს. „სპერმაკულინი“ თან წამოიღე, მაგრამ ბლომით და თუ შენ ვერ მოახერხო ბალაქათ მიეცი.

ისევ შენი მასპინძელი „უზინ-მაზინი“.

სუფსის რაიონი. ძმაო ეშმაკო!

არ იქნა და არ გველირსა შენი აქეთ ჩამოფრენა, უშენობით ბნელსა ძალებს არ აკლიათ შეება-ლხენა. ამიტომაც გვევდრებით ერთი ჩვენთვის მოიცალო და სულ ყველას მისცხო თითო, ვინც კი ქვემოთ მოგითვალო. ჯერ ჩოჩხათის „მოსე მწერალს“ მოუზორე კარგათ წელი, რადგან ამა ცოდვის შვილმა აგვიოხრა მალათ სოფელი. შემდეგ ვანოს მისთავაზე, პედაგოგობს რადგან კოქლათ თითონ საღაჯ დაბრძანდება, ბავშვები კი რჩება ობლათ. აქედან სუფსაში ჩახვალ, იქაც სკოლას ინახულებ ორჯონიკიძე შეგვცდება, მათრახით ზურგს აუტყუნებ. იქვე არის კობახიძე, და ცნობილი მაჩაბელი ერმილ გიგინიევილი და ტელემაკ გურიელი. თითო ყველას უთავაზე გინდ „კუდინი“, გინდ მათრახი, რომ ხრიკი რამ არ მოგიღონ და არ გახდე დასაძრახი. შენი კასიო.

ღანიჩი. ძმაო ეშმაკო! ნესტორ ხუცესი დიდის ენერგიით კრებს დრამა ფულს. თუმცა სხვა მეზობელი სოფლის მღვდლები ღარიბებს ნახევარს ახდევინებენ, მაგრამ ნესტორს „საყოველთაო, ფარული“ გადასახადი ურჩევნია. ხალხს არწმუნებენ, ძმაო ფული ხაზინას მიაქვსო, მაგრამ ოქროპირი დიაკონმა ქუთაისის ხაზინის კარები ტყვილათ არ აატახანა.

შავგვერდანი.

გვაზაური. ძმაო ეშმაკო! შენ იქნება არც კი იცი, რომ ქვემო იმერეთში არის სოფელი გვაზაური და მას ასხია „სასიქაღულო“ ახალგაზრდობა,

(ისე აუშენდათ ოჯახი!) რომელმაც ავერ წელიწად ნახევარია მეტ ბარგათ დავიარა სინდისი, პატიოსნება, ყოველგვარი კეთილშობილური მისწრაფება, ერთი სიტყვით ყოველივე ის, რაიცა ადამიანს პირუტყვისაგან არჩევს. ეს რეაქციის მკლავადებები უმთავრესათ კარტის თამაშობასა და სხვა თაღლითობაში ატარებენ „დროებსა“, თუმცა ხშირად ახალ ჯვარდაწერილებსაც ესმინან თავს. ერთი ამგვარი მოვლენა მოხდა 15 იანვარს გვაზაურის ეკლესიის გალავანში.

ჯვარდაწერილები პირდაპირ კანცელარიისაკენ გაემურენ, მაგრამ მამასახლისი ღვინით გამოიმასქნილიყო და აღარაფერი ეკითხებოდა.

ახლა მოგმართავთ შენ, რომ დაგვიფარო ამ თავაშვებული ბრბოსაგან შენი მათრახის კულით.

კუსონია.

წერილები რედაქციის მიმართ.

ბ. რედაქტორო! გთხოვთ გამოაცხადოთ თქვენს პატივცემულ გაზეთში, რომ მე დიდი სიამოვნებით ვთანხმდები გაცვე სამელიატორო სამართლში ბ. ნიკო ჯანუაშვილის და დამუშტკიცო ის ბრალდება, რომელიც ამ ორი თვის წინათ იყო მოთავსებული თქვენს გაზეთში. მაგრამ რადგანაც მე არავითარი საშვალეა არა მაქვს ამ ქაბათ მანდ ვიქნე, ამისათვის ჩემს მაგიერობას ამ საქმეში ვანდო ამხ. „ნაუ-მანს“, ხოლო მედიატორებთ ვასხელებ: ექიმ ივანე გომართელს და ვეკილ კოწია ჯაფარიძეს. საქმე თფილისში გაირჩევა და განაჩენიც გაზეთებში უნდა იქნეს გამოცხადებული. იმედია გვაცნობებს თუ ბ. ნიკო ვის ასახელებს მედიატორებთ.

პატივისცემით „ოტსტაენი“.

ბატონო რედაქტორო! თქვენ პატივცემულ იუმორისტულ ჟურნალ „მშობლის მათრახში“, ვილაც კორესპოდენტმა, ერთ-ორხელ ცუდათ მოიხსენია ჩემში სახელი, რომლითაც ალბათ უნდოდა ჩირქი მოეცხო ჩემთვის და არა-საიმედო პირათ გამოვეყვანე საზოგადოების თვალში. მე თავის ქებას არ მოკუყებ, მაგრამ იმავე დროს არ შემიძლია არ გაუზიარო მკითხველს, რომ თუ საზოგადოებისთვის დიდი არაფერი გამოიკეთებია, კული მაინც არაფერი მიქნია, ხოლო თუ ჩემი მეკადინეობით ლეხთურს საუკეთესო ორ-კლასიანი სკოლა აუშენე, სკოლასთან ერთად საკუთარის ჩემის ხარჯით ერთი დესიატინა მიწა ვუყიდე და ზედ ბალი გაუყეთე და მზრუნველობას უწევდი და უწევ, ჩემს მეზობლებს, რითაც შემეძლო დახმარებას ვაძლევდი და ვაძლევ, მე მგონია ეს ზრახათ არ უნდა ჩაეთვალოს კაცს; ან და შეიძლება ბ. კოწესპოდენტი შემღვრის, რომ „ოზურგეთის მაზრის ამაოხრებელი“ ჩემთან ცუდ-განწყობილებასა და უნდა რომ მახე დამიგოს. ვინ იცის ეს კორესპოდენტი მოსყიდული იქოს იმ „პირისაგან“, უკანასკნელ შემთხვევაში შევეკითხები ლეხთურის საზოგადოებას და თუ ისინი, მე არა-საიმედო პირად მცნობენ და მავნეთ, წინდაწინვე ვაცხადებ: ყოველივე საჯგელი მივიღო მზათ ვარ, მაგრამ (როგორც წინათ ვსთქვი) ხსენებული კორესპოდენტი, ან მტერი ჩემი (ისე) ხომ არ იქნება კაცი, ერთი ან ორი მომღვთავი არ ყავდეს, რადგან ეშმაკს და ანგელოზს, კაცი ორივეს ერთნაირათ ვერ ემსახურება) ანდა სწორედ აგენტია იმ ჩემი

დაუძინებელი მტერის; რომლისაგანაც შეწუხებულია მთელი ჩვენი მხარე. ამ კაცს ჩვენი შემდეგი ლექსით იცნობენ:

ენა დიდი აქვს—ტკუა პატარა,
მშვიდრი იყო—დღეს კი გამძღარა,
კითხვა არ იცის—წერა სულ არა,
ხალსს ეძაგება—მებჭვედ დამჯდარა!

ანუ:

ენა იმფერ ადგილზე აქვს
მახელი ვერ მიუღდება,
თორემ ძირში ჩაათლიდენ,
ტრაბახობას რომ მისდგ ბა. *)

ხოლო ის ვაქაბატონი (კორესპონდენტი) რა აზრებითაც უნდა იყოს აღჭურვილი, სიმართლის აღსადგენათ, რომ შემდეგშიაც მკითხველი შეცდომაში არ შეყვანოს—ვიწვევ სამედიატორო სამართალში და უდებ ერთ კვირას ვადას, რათა დაასახელოს თავის მხრივ კაცები, უკანასკნელ შემთხვევაში, რაც ზემოდ მოვიხსენიე მახედ, ყოველივე მართალი ყოფილა და მაგისთანა კორესპონდენტს რედაქციაში ადგილი არ უნდა ქონდეს.

ჩემის მხრით მედიატორებათ ვასახელებ პართენ ალ. გოთუას და იასე (რაბკელს) მგზუზლას.

ბებურ ბებურიშვილი.

ბატონო რედაქტორო! ერთი სიტყვით მე მაშტერებს ის, რომ ბატონ ნაცნობმა პირდაპირ გამლაძდა მეცა და მთელი სადმელოს საზოგადოებაც. დღესაც არ ვიცი რის საბაბი იყო და ჰამაც შეგვიპირდა მეცა და მთელ საზოგადოებასაც თითო-ორიოლ მათრახს. ჯერ მე ესრე ჩემ დღეში არ შევმტდარვარ რომ, მე ვისმეს გაველანძღე და მითრახით ცემასაც შამპირბოლდეს. ენლა მე ამ ბ. ნაქნობს ვიწვევ სამედიატორო სულში და ჩემის მხრით მედიატორებთ ვირჩევ მხოლოთ ორ კაცს; იოსებ ბლიაძეს და ლუკა ებრალიძეს.

პართენ ი. მურუსიძე.

რედაქტორი შენიშვნა. სამწუხაროდ უნდა შევნიშნოთ, რომ ბ-ნ მურუსიძეს ვერავითარი მამოჩვენობით ვერ შევკანებიეთ, თუ ჩვენი ბაზეთის საშვალებით ამხ. ნაცნობს მისთვის შეურაცხყოფა არ მიუყენებია, ვინაიდან ნაცნობის კორესპონდენციაში სრულიადც არ არის ნახსენები არც სახელი და არც გვარი პართენ მურუსიძისა.

კვალად მწუხარებით აღვნიშნავთ მურუსიძის მეორე გაუგებრობას. მას გონებია, როდესაც ჩვენს წერილებში მათრახის კულს ვახსენებთ, მართლა ფიზიკურათ ვამათრახებთ ვისმე, რაიცა ცხადათ ჩანს მის ზემორე მოყვანილ წერილიდან.

*) ავტორის თხოვნით უცვლელათ ვბეჭდავთ.

რედ.

ბანცხალეზანი.

ელექტრო-მექანდაცი ამხანაგობა

„შრომა“

ღებულობს ყოველგვარ საბეჭდავ საქმეებს, ასრულებს სწრაფად და ყველასათვის ხელმისაწვდომ ფასებში.

ავადმყოფებს და სუსტებს „სპერმატინი“

თუ თქვენ დასუსტებული ხართ ფიზიკურ ან გონებრივ მუშაობით, თუ ჯანი გაიტყვეთ, ნერვები დაისუსტეთ ან ესა თუ ის სენი გპირობ, სასოწარკვეთილებას ნუ მიეცეკით, არის „სპერმატინი“. იგი სასურველ შევებს მოგკემო, მას არ შეიძლება მედიკამენტი ვუწოდოთ, რომელიც ერთ რაიმე ადგილზე მოქმედებს, არა! ეს ნივთიერება სრულიად უვნებელია, იგი ცხოვრების ესენციაა, იგი ძალის მომმატებელია. „სპერმატინი“ მოქმედებს სისხლზე და ახალბებს მას, აზორებს რა მავნე ელემენტებს, ჰხვდება რა იქ, სადაც უჯრედები ორგანიზმში რაიმე სენის ან სიბერის ვკლენის ქვეშ იმყოფება, „სპერმატინის“ ნაწილები, ჯანმრთელორის დარაჯნი, იწყებენ ნაყოფიერ მუშაობას უჯრედების აღსადგენად, აწვდიან მას ახალ სისხლს და ახალ ძალას და ამით შეძლებას აძლევენ ბრძოლისას როგორც სენთან, ისე ყველაფრის განმანადგურებელ დრო-ჟამთან „სპერმატინი“ შედეგია ბროუნ-სეკარის შესანიშნავ ამოჩენისა. შევლის ყველაფერს: სისხლნაკლებობას, ძალის სისუსტეს სიბერეში, მარაზმს, დაძლურებულ ნერვიულ სისტემას, მამაკაცის სიუძლურეს, გადაჭარბებულ დაღლილობას გონებრივ და ფიზიკურ მუშაობის დროს, ინანიზმი! შედეგს და წითელ ქარს, სიდილის, სურავანდს, დამბლას, სქესობრივ მოჭარბებულ ურთიერთობის შედეგს, ხერხმეღის ტვინის სატკივარს, ქლექს, ქარებს, ქრონიკულ მეტლის შეკვრას, ბუასილს, ბნედას და სხვას. ეს საშუალება საუკეთესო ნაყოფს იძლევა.

ავადმყოფთა წერილები.

ბ. ი. ახმეძემ! მ. ხ. ამას წინათ გამოვიწერე თქვენგანი 2 ფლაკონი სპერმატინი, რომლის მიღების შემდეგ უკეთ ვგრძნობ. დარწმუნებული ვარ, იგი არის საუკეთესო საშვალეა ნერვების სისუსტისათვის, რომლითაც მე 5-6 წელიწადი ვიტანჯებოდი, ვიდრე მე თქვენგანი გამოვიწერდი, მანამდის გამოვიწერე 4 ფლაკონი სპერმატინი კოლენჩინკოსი გავლილი წლის ნოემბერში, მაგრამ არავითარი საშვალეა ჩემთვის არ მოუტია, ამიტომაც გულ-წრფელ მადლობას ვწირავთ და ამასთანავე ვთხოვთ წერილის იღებისათავენეე გავზავნოთ 2 ფლაკონი სპერმატინი ახალიცხეში, რომელსაც უგზავნი ჩემ ძმას, რომელიც იგივე ნერვების სისუსტით არის ავით.

აღრესი: ახალციხე, სევასტი პეტრეს ძე ნებერიოვი. პატივისცემით ნიკო ნებერიოვი. სოფელი ბარდა. 31 იანვარი 1908 წელი.

„სპერმატინმა“ ი. ნ. ივანოვისამ დაიშახურა აუარებელი სამადლობელი წერილი, ოქროს მედალი და უმაღლესი ჯილდო რუსეთში, ლონდონში, პარიზში და ბრიუელში.

„უფრთხილდით სიყალბეს და იბძაძეს. წიგნაკები უფასოდ. ფასი ერთი ფლაკონისა 2 მ. 40 კ. გავზავნა ერთიდან 4 ფლაკონამდე 40 კ. 5-დან 10-დე 65 კ. შუა აზიაში ორჯერ ძვირია, აღმოსავლეთ ციმბირში—სამჯერ. გამოწერა ნიშნდება ფოსტით, მხოლოდ წინდაწინვე უნდა გამოგზავნოთ ბე ფოსტის მარკებით ან ფულთით—მესამედი ფასისა.

მსურველს, ი. ნ. ივანოვის „სპერმატინის“ ვთხოვთ მითმართონ ჩვენ წარმომადგენელს მთელ კავკასიისათვის ი. გ. ახოზაძეს. აღრესი: თბილისი, ვერა, მისკოვის ქუჩა სა. № 4. ან „სპერმატინი“ კანტორის განყოფილება: ბაქოში, ი. გ. ახოზაძეს. სტარო პოლიციის ქუჩ. სახ. ლაზარევისა № 14. და ქუთაისში, აფთიაქის საწყობში კოლონეთან მიოკთხეთ „სპერმატინი“ ახოზაძისა. კიათურაში იაშვილის აფთიაქში. ფოთში ბ-ნ კობრიძესთან. ცაგერში—ბ-ნ არსენ მეყვანაძესთან.

წარმომადგენელი კავკასიისთვის ი. გ. ახოზაძე. თბილისი, მისკოვის ქუჩა, სახ. საბაგეისა № 4. უბეოდ საქონელი არ იგზავნება.



ლეჩხუმელ თავადის ქეიფი ახალ წელიწადს.

თომა და ოთა.

ოთა. ბიჭო თომა მეცოდება, რომ დაახრჩო ეს მასხარა, მძულდა მარა ამ სურათმა მიინც კიდევ გამამწარა!

თომა. ნეტავ თითონაც დაიხრჩოს არ მენაღვლება ძამია, მოგიკვდეს თომა, საგლოვათ თუ გავიმეტო წამია!

ოთა. დამხრჩვალს რათ აღარ ცილდება, კისერში კიდევ რომ ასხამს, ხომ ხედავს მისებრ უძღვები, რომ აღარ ჩადის, ველარ სვამს?!!

თომა. ასე ფასობენ სიცოცხლეს, ასეა ძმაო მონება, რისთვის ვერ ამჩნევ უენ ამას, რისთვის არა გაქვს გონება?!!

ოთა. როგორ ვერ ვამჩნევ, აქ იყო რაც ივანეს ხედა სიმწარე, მაგრამ ეს ხომ სულ სხვა იყო. მაგის თვის-ტომი-მეგვარე?!!

თომა. თვით „ყოლოყინობდა“: „სად გლეხი, და ჩემი გვარი სადაო“, თორემ ამ ლატაკს, საცოდავს, რა ჰქონდა ჩვენთან სადაო?!!

—ი

რედაქტორ-გამომცემელი თ. ბოლქვაძე.

